



Broj: UP-I-KSI-09-2/23  
Datum: 28.04.2023. godine

Na osnovu člana 25. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti, u predmetu utvrđivanja povrede odredaba zakona od strane Lj. M., iz Brčkog, ██████████ člana Nadzornog odbora Zavoda za zapošljavanje Brčko distrikta BiH na 53. sjednici održanoj dana 28.04.2023. godine, donosi

## RJEŠENJE

1. **UTVRĐUJE SE** da je Lj. M. iz Brčkog, ██████████, član Nadzornog odbora Zavoda za zapošljavanje Brčko distrikta BiH, kao nosilac javne funkcije, kao nosilac javne funkcije, postupila protivno članu 21. stav (1) tačka b) Zakona o sprečavanju sukoba interesa u institucijama Brčko distrikta Bosne i Hercegovine, na način da nije izvršila dopunu Izvještaja o imovinskom stanju u roku od 30 dana od dana nastanka promjene za pokretnu stvar vrijednosti veće od 5.000,00 KM za člana porodičnog domaćinstva-sina stečenu na osnovu ugovora od 04.05.2022. godine.
2. Za učinjeno kršenje odredaba Zakona o sprečavanju sukoba interesa u institucijama Brčko distrikta Bosne i Hercegovine, Lj. M. se shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine izriče opomena.

## Образложење

Komisija za odlučivanje o sukobu interesa je po službenoj dužnosti Zaključkom broj: UP-I-KSI-09-2/23 od 05.01.2023. godine, pokrenula postupak za odlučivanje o povredi odredaba Zakona o sprečavanju sukoba interesa u institucijama Brčko distrikta Bosne i Hercegovine protiv nosioca javne funkcije Lj. M., člana Nadzornog odbora Zavoda za zapošljavanje Brčko distrikta BiH, jer je posumnjala u tačnost i potpunost podataka u podnesenom Izvještaju o imovinskom stanju na obrascu o imovinskom stanju nosioca javne funkcije, bračnog i vanbračnog druga, djece i drugih članova porodičnog domaćinstva kao i lica prema kojima nosilac javne funkcije ima zakonsku obavezu izdržavanja-Aneks II, zbog neusklađenosti između prijavljene imovine u Izvještaju o imovinskom stanju, podnesenom dana 31.12.2021. godine od strane nosioca javne funkcije Komisiji i podataka prikupljenih od nadležnih organa i institucija o pokretnim stvarima vrijednosti veće od 5.000,00 KM nosioca javne funkcije, jer nosilac javne funkcije nije prijavio odnosno unio u Izvještaj o imovinskom stanju pokretnu

stvar vrijednosti veće od 5.000,00 KM nosioca javne funkcije, tačnije putnički automobil, marka: PEGUEOT, tip:308, registarske oznake [REDACTED] godina proizvodnje: 2015, vlasništvo Lj. M., nosioca javne funkcije, čime je postupila protivno članu 19. stavovi (1) i (2) i članu 20. Zakona o sprečavanju sukoba interesa u institucijama Brčko distrikta Bosne i Hercegovine.

Nosilac javne funkcije je istim zaključkom pozvan da Komisiji za odlučivanje o sukobu interesa dostavi izjašnjenje u roku od 15 dana od dana dostavljanja zaključka.

Nakon prijema Zaključka o pokretanju postupka, broj: UP-I-KSI-09-2/23 od 05.01.2023. godine, zaprimljen 16.01.2023. godine, Lj. M., član Nadzornog odbora Zavoda za zapošljavanje Brčko distrikta BiH, kao nosilac javne funkcije je dana 23.01.2023. godine dostavila Komisiji za odlučivanje o sukobu interesa pisano Izjašnjenje u kojem, između ostalog, navodi da je predmetni automobil vlasništvo njenog sina A. M. koji je stečen dana 12.05.2022. godine kao i da je došlo do pogreške u evidenciji Odjeljenja za javni registar te je Komisiji za odlučivanje o sukobu interesa dostavljen dopis u kojem se Lj. M. navodi kao vlasnik putničkog automobila, marka: PEGUEOT, tip:308, registarske oznake: [REDACTED]. Kao dokaz navedenom dostavila je potvrdu o vlasništvu [REDACTED] iz koje je vidljivo da je posljednji vlasnik automobila A. M. sa datumom 12.05.2022. godine, ugovorom o posredništvu u trgovini motornih vozila broj [REDACTED] od 04.05.2022. godine zaključen između V. V. i A. M.. Također je dostavila i akt Odjeljenja za javni registar Vlade Brčko distrikta Bosne i Hercegovine iz kojeg je utvrđeno da Lj. M., JMBG: [REDACTED] nema na sebi registrovano vozilo.

Nadalje, akt broj 26-001686/22 ( 10-1024ZJ-004/23) od 18.01.2023. godine potvrdio je kao istinite navode iz izjašnjenja da Lj. M. nema na sebi registrovano vozilo.

Lj. M. je Odlukom broj: 05-000935/18 od 24.07. 2019. godine imenovana za člana Nadzornog odbora Zavoda za zapošljavanje Brčko distrikta Bosne i Hercegovine te je shodno članu 2. Zakona o sprečavanju sukoba interesa u institucijama Brčko distrikta Bosne i Hercegovine nosilac javne funkcije i upisana je u Registar javnih funkcija i nosilaca javnih funkcija.

Članom 21. stav (1) točka b) Zakona o sprečavanju sukoba interesa u institucijama Brčko distrikta Bosne i Hercegovine propisano je da nosilac javne funkcije u toku obavljanja javne funkcije podnosi dopunu Izvještaja za svaku promjenu iz člana 19. stav (2) Zakona, kao i u slučaju promjene sadržaja Izvještaja koje se odnose na uvećanje imovine po bilo kojem osnovu u iznosu većem od 10.000,00 KM, u roku od 30 (trideset) dana od dana nastanka promjene.

Primjenom navedene zakonske odredabe na utvrđeno činjenično stanje, ocjenjeno je da u konkretnom slučaju postoji povreda Zakona o sprečavanju sukoba interesa u institucijama Brčko distrikta Bosne i Hercegovine, s obzirom na to da Lj. M. nije izvršila dopunu Izvještaja o imovinskom stanju u roku od 30 dana od dana nastanka promjene, odnosno nije prijavila pokretnu stvar vrijednosti veće od 5.000,00 KM za člana porodičnog domaćinstva – sina koju je stekao na osnovu Ugovora o posredništvu u trgovini motornim vozilima od 04.05.2022. godine te je postupila protivno članu 21. stav (1) tačka b) Zakona o sprečavanju sukoba interesa u institucijama Brčko distrikta Bosne i Hercegovine.

U Izvještaj o imovinskom stanju Aneks II, Lj. M. je u rubrici „Podaci o djeci“ upisala A. M. kao člana porodičnog domaćinstva, te je zbog toga obaveza nosioca javne funkcije unijeti podatke o imovini člana porodičnog domaćinstva u Izvještaj o imovinskom stanju.

Član 38. Zakona o sprečavanju sukoba interesa u institucijama Brčko distrikta Bosne i Hercegovine propisuje sankcije za nosioca javne funkcije koji postupi suprotno odredbama navedenog Zakona.

Komisija je, shodno članu 43. Zakona o sprečavanju sukoba interesa u institucijama Brčko distrikta Bosne i Hercegovine, prilikom odlučivanja o vrsti sankcije koju treba izreći u konkretnom slučaju u obzir uzela sve okolnosti kako bi izrečena sankcija odgovarala učinjenoj povredi Zakona. Komisija je vodila računa o težini i posljedici povrede Zakona, te činjenici da je Lj. M., nosilac javne funkcije, predala Izvještaj o imovinskom stanju za 2022. godinu u kojem je upisala podatke o predmetnoj pokretnoj stvari. Nadalje cijenila je njeno postupanje i odgovornost, ličnost nosioca javne funkcije, odnos imenovane prema kršenju odredaba Zakona, opredijeljenost imenovane da postupi u skladu sa Zakonom, te otkloni razloge koji su doveli do kršenja odredaba Zakona. S tim u vezi Komisija je poklonila vjeru navodu iz Izjašnjenja da je predmetni automobil u vlasništvu A. M., a ne Lj. M., na osnovu koje činjenice je postupak i pokrenut. Navedeno je utvrđeno i iz dokumentacije Odjeljenja za javni registar. Nadalje Komisija je cijenila i prouzrokovane posljedice nastale predmetnom povredom Zakona, kao i da se očito radi o lakšem obliku kršenja odredaba zakona koje nisu nanijele štetu integritetu javne funkcije koju Lj. M. obavlja, te je Komisija stava da izrečena opomena u potpunosti odgovara težini i posljedicama povrede Zakona.

Komisija je, cijeneći sve dokaze pojedinačno i u međusobnoj vezi, shodno članovima 4., 25. i 43. Zakona, donijela rješenje kao u dispozitivu.

Odluka Komisije bit će objavljena na službenoj Internet stranici Komisije.

#### **POUKA O PRAVNOM LIJEKU:**

Shodno članu 37. stav (1) Zakona, ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor u roku od 30 dana od dana dostavljanja rješenja, tužbom pred Osnovnim sudom Brčko distrikta Bosne i Hercegovine.

Predsjednik Komisije  
za odlučivanje o sukobu interesa

---

Admira Mujić, dipl. pravnik

#### Dostavljeno:

1. Lj. M., ██████████ Brčko,
2. Internet stranici Komisije,
3. Evidenciji i
4. Arhivi.